


積靈集

八
卿



贊靈集卷之三

序疏跋文

真君科式序

予嘗以為老子之道五千言盡矣後之學者不以未能遍觀而盡識也惟漢天師之傳得

卿八

一

其宗迄今一千二百余載馳聲耀奪聞諸四方上而公鄉下而氓隸欲壽考康寧者莫不皈心而稽首今明而為神曰靈濟真人以憑咐之質用宣其靈豈非夙幸得天師所授鈇汞法何一點之珠光耿耿不滅迴平作字一

言一話煥乎其有文章予始聞之若駭且信
且疑一日袖香而來瞻仰祠下載觀所作碑
記讚頌仰非世俗語疑乃信獨此書一帙鄉
之士夫藏之甚慎不輕示人予索之久始得
之焚香誦之數過其為旨義皆本於太上經
典中抽繹出來幽深明溥與道合真諸天隱
梵迭奏和鳴濟度之功誓弘海岳神機玄妙
或隱或顯是豈淺學近智者所能議哉雖然
神而明之存乎真人予累欲序而跋之誠恐
識者有餘食贅行之譏若乎真人之德揭若

日月後必有至人為之序予畧言其大槩云
正元三十年上元將仕佐郎路學教授歐陽
公柱芳跋

真君願序

願者真人之願也亦人之所願也一跪一拜

心之專也心之專善之至也人性之善猶水
就下也不善不改是吾憂也吾是憂也此願
所以為善者設是豈徒願文乎哉仰觀於天
得數二十五俯法於地得數三十合而言得
數五十五蓋因此數得以成其願若非與天

地同功安能至此善人天地之紀也苟有一
毫矯偽慢怠之意非吾之所謂願也其可與
善者同日語耶傳曰善無常主協于克一此
無他始於是終於是不以半途而自畫斯為
盡善而盡美矣善者福之基福者善之積唐
高郢有言積善以致福不費財以求福福既
可以不費財而求則為善者可曰費財乎見
善以相示聞善以相告凡吾同志當以此自
相勉勵庶無愧於天地亦無愧於真人此又
真人所大願也

重修靈濟宮疏

按五代史淮南世家齊王徐有子江
王饒王即今金闕玉闕二真人也真
人素善文詞靈感響應東南之民賴
神之庇何止著龜永樂庚寅歲大旱
方岳大臣深以為憂惟
真人尅期日降甘澍獨著靈驗達官
士庶僉以廟貌傾頽不可不葺於以
答神靈之景貺敬裁短疏遍叩高門
椽筆大揮福有攸歸者

伏以棄職歸仙千古文章光玉牒駐兵除寇
萬年香火奠金鰲甘棠追召伯之思芝草毓
祖庭之秀高其門廣其宅依稀綉嶺宮前穆
如在赫如臨恍惚錦官城外雲霞閑繞玉窓
深日月平臨金闕迥善祥所萃長年生意津

卿八

三

津福祿攸降積善公侯衮衮為大方之柱石
作遐迩之權衡趨吉避凶寶笈瓊書天上閱
彰善痺惡金昆玉季世間遊歲時長是過庭
趨霜露却憐仙嶼近

天朝中貴靈方藥餌已先嘗海國居民得雨

枯苗還早熟苔痕又見入簾青草色半侵行
履跡風飄碧瓦補天手重構新甍雨洗頽垣
度地其仍乎舊貫弗克奮無前之勇曷繇成
不世之功如椽大筆不已書之數仞宮牆俄
頃成矣左俗溪右瀨水紫臺咫尺列仙源前

玉几後蜚蓬文筆高撐牛女宿

一人有慶萬國咸亨謹疏

博陵林漢孟撰

徐仙翰藻跋

二篇

君子遭世之理作為文章用奮厥志得以行
其道非幸也宜也世固可以智力而致理欲

志於道者以文章而求効於當世所必齊門
抱璞荆山非不幸也亦宜也夫神之於昏默
香冥之際亦可庸乎文章以驚動於人吁豈
不怪哉徐仙翰藻之集記贊賦頌一編甚巨
斟酌其辭不濫皆矯世激時之論幽明隔涉

而僅有負俗累不能無惑焉愚意是鄉之君
子有志於道而遭夫理之世其道宜行而志
不獲奪故假以文章神其說執筆之頃果無
容力於其間人也神也予不敢知否則河圖
洛書將為羲姒出耳用是得不繫其說而廁

諸公之跋後云

又

神非人不因人非神不成今人神之所交接
一言一語胥文也文其神乎神其人乎河圖
洛書似涉詭異雖義似大聖人以此徵而信

卿八

四

之千百世而下愚庸之性其有為之疑且惑
乎以神之交讀之考其辭靡不以聖賢之心
為心禮法刑政如視諸掌何乃汲汲焉而為
憂民也深神乎人乎能不為之疑且惑也寄
魚龍而助風雨物情之論蓋亦有矣愚故曰

誠以明之雖存乎神明而誠之亦在乎人苟
一事之莫決一辭之莫措雖欲假其聲於人
吾固不知其可也執筆之頃於予不得以遜
其責使黃鍾大呂之不奏瓦釜爭鳴涓涓皆
是豈不為神之羞耶徐仙翰藻乃神之文集
既盛傳於衆予豈得不玉韞而藏諸

上靈濟宮勅額文

伏以龍首軒昂鰲峰竦傑紅塵化錦好布壇
場青布成羅果符讖瑞一簇人煙寰會千年
祠宇森嚴綵畫昇新規模壯麗恭惟靈濟真

人神通廣大正直聰明香火興隆事跡靈驗
迺來化筆煥乎其有文章托此寓言勸之必
以禮義碑銘建立功德昭彰昔膺勅額之榮
今拜天封之侈名登仙籍位列仙班褒獎殊
常恩光甚寵茲者伏遇總管相公官高四品

卿八

五

福蔭三山有周公事鬼神之能得孔子明郊
社之義考之祀典錫以宮名大筆如椽大字
如斗使山川而改觀與日月以爭光里社輝
煌士民歡悅詩曰天封靈濟位真仙福我生
靈感二天榜額輝煌字如斗宮門壯觀萬千

年伏願金榜掛名之後風俗康淳鄉閭忠美
士農工商均其福兩暘寒暑協其時歲歲豐
登人人富貴更冀王封八字勅額金書香火
萬年年年上祝皇帝萬歲萬歲萬萬歲

上親睦堂勅額文

伏以教序人倫親睦堂大書榜額字輝煌而
今風俗歸淳化萬古名為積善鄉恭惟靈濟
真君正直聰明雖雖在宮肅肅在廟森嚴左
右赫赫厥聲濯濯厥靈八字宣封千年聖跡
既新斯手乃建斯堂民具爾瞻貌威而重風

俗之淳自今以始孝悌之心油然而生伏願
掛額之後上下和全幼有倫長有序里閭康
寧老者安少者懷詩曰天理三綱及五常教
民親陸建斯堂爾民報事能如此異日門旌
孝弟坊

上燕喜堂勅額文

伏以闕宮赫赫有神明左右森嚴綵畫新保
彼東方壽而富魯侯燕喜作宮名恭惟靈濟
真人清廟肅雝維神顯相勅額金書八字後
宮粉黛三千有翼有嚴隨禱隨應諸福畢至

少陳祀事之勤吉夢追隨果獲男兒之願門
閭壯麗榜額輝煌伏願掛額之後宜爾子孫
載命螽斯之德永錫祚胤安歌既醉之詩詩
曰鰲峰踈傑泄英靈青布成羅識可憑孔氏
此時親抱送崇嵩神降果主申

卿八

六

謝雨丹悃

鄉民黃垣等切念夏逢不雨宜禳旱
魃以潛消靈降自

天祗伏

真仙而控翹三薰三沐載謝載祈
消取五月十八日敬發誠心虔邀

道衆拜請

洪恩靈濟真君詣鰲峰龍湫潭攀迎聖水

午時至宮安奉遂蒙感應西南騰

雲未刻下雨是夜開啓道場依科

修奉特設龍王淨醮百拜朝天懺

文當夜甘澍祁祁至二十日大霽

霧霏田疇滿足特伸荅謝延奉諸

真仍設龍王田祖諸品淨醮闋祝

南辰北斗列曜星燈寅修醮禮仰

荅

真君貢奉菲儀大伸圓滿設醮謝

恩伏祈景貺惟冀曰暘曰雨協二儀大順之
期如茨如梁降百穀用成之瑞豐

怙

九重之至德流入八表之有秋懼聲沸擊

卿八

壤之歌千千惟耦

七

聖壽享齊天之筭萬萬斯年綏和動植之
滋生永樂雍熙之化恒下情無任
不勝激切之至敬意

贊靈集卷之四

詩

上真君

白湖趙迪

方山之陽有古神祠焉世傳以為五代徐知誥弟兄號金闕玉闕二真人也真人乃神明之胄歿幾五百載矣其神之在天猶不棄於吾民也民之雨暘疾疫咸禱輒應迪不敏欲拜祠下有禱焉遂賦步虛辭以獻之

聖人神明胄神恹太羅表絳節凌紫雲翠蓋連碧祿靈景無晦明清虛何皎皎瑞氣玉洞

浮霞容絳林表茲晨儼欲臨鸞旌何縹緲務
我區中人時為釋紛擾

其二

琳宮何若堯高挹翠微頂英風百代靈神光
四時耿儀容更尊嚴廟貌肅路寢碧殿爐烟

寒白日棟雲冷藐爾塵俗軀何由達靈景

其三

羽盖何翩翩靈氛降丹闕縹緲鸞鳳音涼秋
散林樾玉津流紫雲神霄飄絳節羽衣星外
沉仙樂空中歇太虛一寥寥倏爾採霞沒惟

聽步虛聲空余碧桃月

其四

棣華王連枝帝勅司我土倏爾陰風來颯爽
降靈兩疾疫賴神休凶荒託靈禦機緘杳冥
冥翊運昭昭著高寒太羅天陰瑩清虛府王
珮清霞裳羽盖彤雲路冷然馭長風將朝紫
霞去

卿八

八

謁靈濟宮土音 左叅政永嘉楊 景衡

上清張真人奉

命建延禧之醮于 靈濟宮賦此以紀勝集

川嶽揚靈泰運開上清仙客降香來天壇醮
啓雲旗下羽珮朝趨月殿回勝會已欣登寶
地弱流未信隔蓬萊臨風願借瑤臺鶴飛控
繁禧遍九垓

前人

三山飛翠接鰲峰紫府高寒遍太空丹鼎光
騰千嶂月瑤臺香度百花風神功烜赫昭靈
貺帝德優崇錫封宮觀何年兼賜真時過
白雲中

右叅政姑蘇彭 脊

花簇香輿控紫鸞洞簫吹下綵雲端九天星
斗浮山殿五夜風雷繞石壇仙菓壓枝丹荔
熟清陰滿院碧梧寒神功赫赫多靈貺永贊
皇圖萬世安

右叅政

李燁

卿八

九

停驂偷暇謁神宮石逕潢溪霽冥中雙鳥隔
窓啼晝白群芳聯砌吐春紅剖符當代膺王
爵捍患他時紀武功靈闈一方垂惠澤大昭
世享固無窮

僉事鳳陽周常

一年兩度到仙宮種杏心誠在報功妙藥氣
看痊痼疾靈符常見振疲瘠花啣洞口尋真
鹿雨暗峰腰聽法龍勒石頌衣綿血食加封

褒錫

聖恩隆

左叅政紹興錢述

輶停征騎陟鰲峰再拜頻思伯仲功昔日干
戈平禍亂千年廟食享秋冬詞章應禱点奇
驗靈濟褒榮錫大封護國庇民神力大雨暘
時若澤時中

兵科給事中三山曾玘

曾統天兵渡峽江
貅貅百萬望風降
金鰲血食真無恭
玉闕丹書却有雙
劔珮森嚴雲縵樓
臺矗脊石崆峒英
名不歎留今古況
復雄文冠海邦

戶部員外繡江楊 寧遠

山青水秀應玄機
天賜賢良鎮渚磯
昏曉能明災與福
毫厘判斷是和非
祠堂古在三山外
靈貺分傳四海知
王裔飄然入仙籍
流芳端的世間稀

刑科給事中山陰朱純

恭持玉節遍歷南閩因過鰲峰

洪恩靈濟宮載瞻載拜禮竣惟時廟官方

率三五童子羽衣鶴氅乃邀至菊軒

飲茶清話間因索詩以識敬謁之誠

卿八

十

遂辭率成數體一律以彰

聖朝神靈之萬一云耳後者郢正幸甚

恭持使節到南閩得駐征車謁二真翼翼廟

庭千仞起煌煌袍錦四時新瓊碑紀績來天

上玉勅騰光照海濱祀典聿隆當盛世擬

同社稷萬年春

戶部主事沛邑孟 式

宣德壬子仲冬欽承

朝命蒞事閩藩道經金鰲峰顧瞻

靈濟宮祠赫然一新良由二真克忠克孝功

施社稷澤被生民又能幹運化機大

闡靈貺翊衛

聖躬是宜加以徽號享祀無窮以答神庥此

皆

聖天子仁德之至眷愛之隆與天地相為悠

豈豈偶然哉迺拜手稽首而賦詩曰
曾於青史見英雄兄弟同心樹大功已向生
前借盡孝要知歿後復輸忠清宵好夢乎

昭代赤石竒方愈

聖躬廟貌尊嚴崇祀事生靈千古仰高風

卿八

十二

監察御史吉水楊政

伯仲聯翩葆太真生膺王爵死為神遠馳玄
翰傳丹訣大著殊勲動紫宸仙籍崇階褒錫
重鰲峰嚴祀禮儀新香雲飛出榕陰外
年年秋繼春

奉使扶桑等國中貴官柴山

承

命統兵懷來荒服上欽

一人下盡廼職留止三山久荷靈異茲者敬
捧華旛贊揚聖號以為淮海往迴之祈異神

鑒納尤肅禮儀止於齋所勝境有感
於懷遂聯所搜以揚神德後之觀者
幸見郢於斯文

南閩之地多奇山洞庭太華相迴還真龍隱
處毓聖跡浮光積翠盈林巒真仙幽顯不可

測默運天機播神德上以靈丹衛

聖躬下施洪恩庇民厄曾聞兄弟同孝恭竭
忠五代邁英雄生為名臣死朝食揚存顯跡
當無窮威靈廟貌世莫比坐擁江南八千里
五雲散盡露金鰲瀉下龍泉一泓水予時領

命懷外方竭誠至此永靈章但見幽禽對語
苔花滑風吹澗谷多奇香君不見武陵樊口
清絕處江山一見消塵慮何似今朝咫尺間
分明得入神仙路華旛一豎突名峰上迎車
馬來長空有時環珮九霄響一雙青鳥鳴天

風意灑斯境清不再有願罄衷誠奠盃酒更
異爐烟永不磨湏等天長與地久

夜宿靈濟宮

白湖郭

敬夫

共到真仙境清齋卧竹房夢回孤島月寒入
一襟霜夜氣神鰲起秋聲瑞鶴翔披衣不重

卿八

十三

寐杳靄識天香

寶殿十奇峯二十首

金鰲峯

白湖郭

真

金鰲海上來秀色鐘靈異髣髴蒼龍蟠飛騰
彩雲氣桂宇浮丹光芝房隱仙秘時瞻鶴馭

回天香靄空翠

隴西李 叔義

海上浮來一點金
擁成丹竈出雲林
神棲占斷鐘靈地
能使真風播古今

白鹿峯

曰湖郭 廩

白鹿名山翠若堆
鹿隨雲去不知回
抵今亂石溪頭路
猶想行蹤寄綠苔

隴西李 叔義

仙鹿卸花此地過
因開禪刹絕巖阿
青山不改名猶在
長入林僧笑詠哦

文筆峯

白湖郭 廩

茲山凌空蒼削立三神峙飛翠瀉龍湫猶涵
墨池水雲迎筆陣回星繞雲光起神機應發
揮長以獻明主

隴西李 叔義

卿八

十三

動勢孤高聳翠華
中渾訝寫烟霞
謫仙夢
斷春風後不識峰頭幾度花

蓮花峯

白湖郭 廩

南望蓮峰萬仞秋清沉玉井
瑞光浮懸知夜
夜飄香處散入瓊仙十二樓

隴西郭叔義

玉井移根上翠巒
亭亭孤植出雲端
真仙欲採瓊芳日
渾作瑤池醉後看

飛蓬峯

白湖郭

廙

蓬壺世外峰
秀拔皆瑤草
飛出三神來
際此十竒好
天開白玉壺
夜照丹砂火
仙人如可期
披雲事幽杳

隴西李

叔義

瀛海飛來第幾峰
峰頭晴削玉芙蓉
朝元仙客耽清賞
長上丹梯訪鶴蹤

貪狼峯

白湖郭

斗際清輝不可攀
何年竇翠峙人間
金鰲一上遙相望
猶似蓬壺若箇山

隴西李

叔義

四面攢峰列畫屏
危標直上倚青冥
有時靜

夜紅光煥一道煌煌貫斗星

方山石峯

白湖郭

真

方岩並崆峒神秀
端可挹望若玄豹
躡影倒澄江碧上
有茹芝翁長歌坐
苔石子將拂塵
衣日與白雲適

隴西李 叔義

絕頂凌空勢若摧
鶴飛仙路淨無苔
天風吹落懸崖瀑
散作岩頭半夜雷

紫高峯

白湖郭 廩

翠壁丹崖接上台
春深縹緲紫雲堆
玉簫誰

卿八

十四

玉臺前月應候
鰲峰鶴駕回

隴西李 叔義

紫氣濛濛掃不開
危基突出自天裁
珮環響落臺前月
知是神仙跨鶴來

古城峯

白湖郭 廩

古城今幾家山空少陳跡苔迳絕香塵煙崖
斂寒色風冷松桂潭月上藤蘿石冥聽烏夜
啼令人感疇昔

隴西李 叔義

翠壁丹崖路不平行人猶道古城名風泉日

送清冷調不帶梅花鐵笛聲

太平峯 白湖郭 虞

玉燭調光降九霄千峰萬壑度雲謠太平一
曲誰同唱好上金鰲百尺橋

隴西李 叔義

太平景象浩無窮
半落名山勝槩中
喜得神棲安此地
陰崖草木被仁風

真仙八詠圖 四首

鰲嶠仙宮

白湖郭

虞

靈貺昭仙界
天香凝綺袍
花迎雙綵鳳
山擁

卿八

十五

一金鰲桂闕
凌雲起芝壇
掛月高神機
涵宇宙筆翰
送波濤玉洞
劉晨藥瑤臺
阿母桃請看
穹碣上萬古
勅書褒

釣臺李溥

岩堯金鰲頂
仰視屹千仞
自從兩儀分
不與

群峰並聖朝，崇真宮。聿萼輝相映，神機達九重。
重層藻垂雙，慶雲林。隱天香，風泉雜仙磬。那
能挹清芬，洗却塵凡性。

龍西李

叔義

琳館中峰起，金鰲擁地迴。靈光天上合，褒

錫日邊來。丹鳳啣瑤草，青重進羽盃。悠悠塵
境外，佳氣勝蓬萊。

青門邵壻

雙闕巍巍遠，世氛空。香浮翠日，氤氳珮歸月。
迥金鰲頂，樂動雲隨。白鶴群筆翰，九天新寵。

沐衣冠五代舊殊勲
遙瞻花萼相輝處千載
靈光產異芬

長樂陳棠

琳宮標勝景鰲背石
堅牢世治神靈闡山環
氣象高夜光騰貝闕
春色醉仙桃曠古才英

遠榮封沐寵褒

龍湫飛瀑

白湖郭

虞

積雨過仙頂飛湍帶
古湫夜聞雙澗落曉入
一溪流影倒銀河夕
聲懸碧漢秋高樓驚夢
鶴幽恠起潛虬遠檣
踈鍾度還疑素練浮鰲

峰清聽處月在步虛樓

隴西李叔義

靈湫經宿雨飛瀑瀉明河霽色澄冰鑑寒聲
出薜蘿亂松驚鶴夢繞岸送漁歌濯足溪頭
月真仙幾度過

卿八

釣臺李溥

十六

六合看化始鑿闢由天工蜿蜒螭靈氣湫潭
秘鴻濛銀河天際來倒挂千尺虹上與星漢
接下與江流通涼影弄新月寒聲逗踈風真
仙日醮賞清詠誰能同

青門邵 壩

新霽靈湫逸興多飛流百尺瀉天河凌雲宛
若拖瓊練帶月還疑散玉珂乍起潛虬潭上
聽還驚聯鴈日邊過朝來直上金鰲望散作
蓬壺碧海波

長樂陳 崇

寒流千尺下雲梯宛若瑤穹吐白霓竒語蜿
蜒敷 聖澤普為人世洗凡泥

竹巖霽雪

白湖郭 虞

萬竿凌絕壁六出霽飛花色借吳鹽瑩光分

蔣迳斜翱翔宜瑞鶴蕭爽寂神鴉一軼紅塵
杳千尋翠羽遮郢人歌白雪仙竈冷丹砂却
傍高直境清芬仰棣華

釣萑李 溥

隱隱棲真岩積雪悶幽邃修竹凍不開千林

卿

十七

失蒼翠晴光凝素華臘朔驚寒吹六出喜同
雲色兆豐年瑞仙居十二樓瓊瑤宛相對一
曲步虛詞鏘鏘玉聲碎

隴西李 叔義

岩前雲欲斂竹外雪初乾遠暎遙臺曉低籠

翠袖寒虛明雲母帳錯落水晶盤深愧塵緣
薄仙歌和獨難

青門邵 壟

峰凝晴翠拂雲端六出飛花尚未乾白鶴樓
時渾不辨青鸞隱處却同看梁園賦就攀何
及郢曲才高和獨難更想雙真歸珮曉天風
遠襟玉聲寒

長樂陳 棠

竹倚靈岩勝寒威瑞雪晴鶴鴛無限繞泉石
有餘清夢落三湘遠神遊萬玉傾隱人懷拆

筇路滑不堪行

仙嶼靈芝

白湖郭 廩

一峰鍾瑞藹百卉讓仙靈葉洒金莖露香凝
紫府星漢池同曄曄商谷自青青豈並三花
秀仍兼九畹馨浮光凌月殿積翠敞雲屏肯

許山人採期延草木齡

釣臺李 溥

伊昔肇真宮瑞草產其處九莖絢熙陽三秀
結華露元氣孕至和靈根世稀遇曄曄呈嘉
祥煌煌映仙嶼不讓漢池生寧療商山茹兆

跡幾何年至今播芳香

隴西李叔義

仙頂超群鳴靈芝異衆芳瑞移商谷秀清奪
漢地香雲葉春凝紫金英曉孕黃肯分塵世
采從此薄膏梁

卿八

大

青門邵壩

蓬嶋遙遙碧海涯世人傳此產靈芝浮光夜
落丹砂井挹翠朝涵太乙池鰲頂經殘秋露
馥商岩歌罷夕陽逢何由拾得為真秘更上
天壇一問師

長樂陳 崇

地產靈芝紫葉繁仙人採秀得深根愧予空
老瀛洲下安得名聯四皓尊

青浦歸潮

白湖郭

虞

遙浦青汀樹歸潮白海門多情環鳴嶼不舍

見晨昏冷蘸丹霞影寒兼璧月魂千竅流故
澤一道自仙源望極偏縈練吟餘半落宸塵
纓如可濯鰲頂謁 洪恩

釣臺李

溥

青浦潮初落暮雨江上來波光淨如洗萬頃

無纖埃石根蒲葦密沙磧鳥鷺猜舟橫兩岸
陜路轉群峰開疏鑿非禹跡朝宗自東回滄
浪起漁唱月夜繞仙臺

隴西李叔義

青浦行吟處瀰漫歸早潮舟橫芳草偃沙接

卿八

十九

大江遙迴岸虛潭鳴危虹掛石橋仙槎從此
達樂度泛層霄

青門邵壩

遠浦蒼茫日未昏歸潮一帶似知源晴看白
鳥餘沙跡暝洗青苔露石痕乍入澄江還有

信欲分滄海總難言觀瀾更上鰲峰頂何處
朝宗是禹門

長樂陳棠

客行青浦近雲引去潮賒恠木懸圩岸閑鷗
立淺沙網收群釣罷帆落一舟斜竚看來滿

應乘博望槎

南塘過客

白湖郭廩

迢遞南塘路縈迴太乙宮亂山看不盡過客
思無窮鄉國浮雲外關河夕照中貂裘逢季
子馬首望梁公寄跡霜前鴈驚心海上蓬身

衢從此達誰問泣西東

釣臺李溥

閩州富山海賈客爭奔馳營營貪利涉來往
南塘隄逢梗嗟舊跡萍水懽新知落日望煙
火寒風吹髮絲鄉園寸心遠孤雲傷別離壺
中日月長應笑塵世癡

隴西李叔義

閩南通驛傳利涉就奔馳羸馬驚寒度輕輶
帶月移鄉心萍梗跡客淚海天悲想得仙家
樂空憐浮世疾

青門邵 塘

旅思南塘野水深
依依煙柳碧陰陰
故園親友知誰健
別路鶯花倦
獨吟鴈斷心懸青浦
月天空目送白雲岑
停驂好謁真仙境
一問徽音抵萬金

卿八

三

長樂陳 棠

車騎紛紜去復還
南塘有路入青山
幽芳可採魚堪釣
何事勞勞不暫閑

木嶺樵歌

白湖躬 麋

木嶺橫山嶠
天風拂草衣
採雲行誦處
竟夕

浩歌歸野寺初殘磬人家半掩扉數聲秋漠
漠一曲月微微柯爛何人識山空聽者稀迴
傳鰲頂上老鶴發清機

釣臺李溥

西岡掩寒色木嶺浮夕陰幾處樵人歸長歌

發商音欸乃振林木千岩落葉深初疑黃鳥
弄又訝清猿吟碧澗雜幽聽白雲諧素心縹
緗和仙樂南下明月岑

隴西李叔義

木嶺開清曉樵歌度碧林依微山靄暝颯沓

澗雲深恍訝
猿嘯還驚木
客吟聽來琳
館下遠雜步
虛聲

青門邵壟

岩堯木嶺抗
浮塵樵子攀
登不厭頻耽
讀每驚山色
晚浩歌長喜
月華新數聲
驚起巢松

卿八

王

鶴一曲催歸
採藥人日暮
鰲峰聽漸近
恍疑仙珮下
天津

長樂陳崇

樵歌聲款乃
木嶺思幽沉
送日隨流水
盤雲出遠林
巢棲驚鶴夢
洞隱駭龍吟
余息滄浪

調聞之一振襟

鍾山鴈塔

白湖郭 廩

孤峰浮紫翠七級競繁華迥卓龍天近遙連
鳥道斜留題皆國士問劫等河沙影倒維摩
室香分太乙家夜燈然綺樹曉座落曇花我
愛觀先達芳名耀碧紗

釣臺李 溥

鍾山衛真境屹立清江濱浮曷倚層巔七級
凌空雲高標出沙界華構超塵氛題名聯鳳
侶飛佩來鶴群久懷紫霞想永願揚靈芬未

能接丹梯景仰徒朝曛

隴西李叔義

鍾山環寶地鴈塔倚層巔
燈影秋雲外鈴音夕照邊
香名題俊士雅梵集龍天
幾欲投清賞荷年謝俗緣

青門邵壩

名山寶級隔塵紛迥對真官山
白雲百和爐香風共遠九天
鍾磬夜初分花窓梵語空中
靜桂籍名登海內聞擬欲懷人
一清眺寒聲又聽鴈離群

長樂陳 棠

七級浮圖鮮色新
鍾山擎翠勢嶙峋
題名自古多才彥
能使前人覺後人

列



